

NOSTALGIE-PREIS

CHF 4.00!



HÄGEDÖRFER- SPÖIZ

Herausgeber: ROOT-RAT

2014

AKTUELL

HOCHBRISANT

unabhängig

SPONTAN

NEUTRAL
INFORMATIV
ZIELT SICHER



36.
Ausgabe



Sesch au Jahr s' glichle Spieli,
s zieh am Hilari emmer zwe am Bäsestehli.
E wet eigentlech mis Zepter b' haute,
doch dä cheibe Root lot s sech ned ufhalte.
Guet der Fasnacht z' lieb mach eg do doch mit,
das bringt is jo ned usem Tritt.

Proclamation Fasnacht 2014

Angersch der Kanton Solothurn,
do esch jetzt schnöuer morn,
letsch Jahr no der Sämf uf St. Gaue brocht,
er hür es Menü ohni Bilage kocht.
Ke Nationalbankgält,
Herrgott esch das e vercherti Wält,

Politiker müe jetz zeige das si chöi Sorg ha zum liebe Gäut.
Was derbi use chont dasch reini Spekulation,
das gseht meh de ebe ersch übermorn.

Es het e mou eine gseit und dä Spruch mit sech umtreit;
E Hund würd eher Cervelat lo stoh,
as e Politiker chönt met Gäut umgoh!

Mit Blick uf euses Dorf,
es esch au ned so gross,
choi mer säge ,
bis jetzt stöi mer ned im Räge.

Doch hocke mer lieber ned ufs höche Ross,
freue mer is lieber a jedem neue Spross
und bsunders a der Fasnacht wo do chunt,
esch s' Motto doch scho lang in aller Mund.

„Bis mers chöi“!

Eschs das wo Zünffler wöi?
Natürlech mache mer das eso,
gniesse Fasnacht und löis nis i dere Ziit lo wohl ergoh

E schöni Fasnacht ohni Sorg und Bange
wünscht ech euche Amme.

Ausgabe: 01/2014(36. Jahrgang)
Unbeglaubigte Auflage: 450 Exemplar
Erscheinungsweise: 1mal jährlich
Redaktion: Hägedörfer Spöizer
Herausgeber: Root-Rat Hägendorf

**Bes
ou
är's
cha...**

*Härzlech wöukomme liebi Lüt
es esch scho weder Fasnachtszyt.
Aui, wo uf dem Platz jetzt schtöi:
mer fäschte zäme, wöu mers wöi!*

*Gfaue wörds mer, nei Gsechter z'gseh
Aber au die aute Gsechter freue me!
Egau ob aut, ob jung, ob neu:
Mer tanze zäme, wie eg me fröi!*

*Värsli brünzle, Koschtüm näie,
Wäge boue, Maske schpräie:
schön esch d'Vorbereitig;
aber nöm das wo mer jetzt wöi
Mer göi uf d'Gass, solang mer chöi!*

*E freu me bsongers uf ds Johr
ond hoffe, die Zyt werd weder wonderbar!
20 Johr han eg jetz dörfe Probe
ond ha glich no Bammel gha, for däm Oobe.*

*Wen eg aber jetz do abe lueg eschs klar för me:
Bem Bänkle, am Umzug oder au am Bau
Loschtig werds uf jede fau.
So, das wäre mini Värsli gsi för höt Obe,
lang han eg se müesse Probe...
Doch s'esch glich, wens ned chunnt wie mer's wöi,
s Motto esch: **Bes mers chöi!***



ROOT XXXVII.



Dr Michel Hänggi esch scho vor de sebne am glotze
das mache anderi ou do chasch net motze

Doch wo d'Frau Hänggi zo ihrem Michel seit
dass si gseht wie der Cédi grad d'Stross abgeit

De Michel chonnt grad sofort drus
ond macht am Färnseh grad s'Lichtli us

Vom Sofa nimmt är e grosse Satz
die si dank scho alli ufem Dorfplatz

Ou nei, jetzt muess i scho chli hetze
und em Cédi noche wetze.

ÖFFNIGSZYTE ROOT-HUUS

Zum Geburtstag esch die Frau iglade
wü e Verwandti firet hüt e Grade
be der Iladig wird ned so guet kommuniziert
drum se zum Kiosk i d'Schlucht marschert
döt het si aber öpper anders troffe
und dankt, was esch äch do fausch gloffe
wü der Apéro im Rest. Tüfelschlucht stoht
chunnt s von Wartburg Elisabeth jetzt haut z' spot

DIESE HOCKEY-WM WAR EIN FEST,
UNSERE NATI FAST „THE BEST“.
DIESER 2. RANG DAS WAR TOLL,
SO MACHT IHR JEDES STADION VOLL.
AN DER OLYMPIADE DA KANN MAN HOFFEN,
DIE GEGNERISCHEN TORE STEHEN OFFEN.
DAMIT AM SCHLUSS VON DIESER REIS,
IN DER TABELLE STEHT: SWITZERLAND RANG EIS

Guets Mörgeli dörfsch baud nümme säge
so schieff hanget en Zöri dr Uni-Säge
es werd gloge, bescholdigt und dementiert
g'mailt, gschrebe ond lamentiert
bschisse, bestätigt ond Dokterarbe kopiert
gläse, bestätigt ond Doktorarbe kopiert
Me weiss gar ned wär schoudig ond unschoudig söu sii
Dr Ruef vo de Schwiz dä liidet debii
D'Zörcher händ gärn scho emmer ofe Potz chli ghoue
Debii chönes ned emou es Stadion boue
Zöri wot sin guete Ruef bhaute met aller Macht
Ned guets Mörgeli Zöri, mer säge guet Nacht

Erschti Mai Ffir esch en Hit
drum esch der Bürki gar net wit
är tuet gmüetlech ässe und bieret
Der nöchschi Morge esch do
wo het mer nur der Bürki gloh
drum lütet si am Baumi a
und i Huusiigang i bettet

Der STV-Vorstand isch a re Sitzig gsässe,
de het me si dusse im Säali vergässe.
Wü si dört ned hei wele d'Nacht verbringe,
hei si müesse durs Fäischer is Freie springe.
Bisch e Fan vo Erläbnisgastronomie,
bisch im **Schlüssu** voll derbii!

1:12 ond Outobahn,
das esch langsam wörklech Wahn.
Doch die zwe Abstimmige jez muesch lose,
si öich dört z'Bern so richtig schön id Hose.


Met em Wohnmobil gonis dur Kanada
Die Ferie sie wörklech wonderbar
Am Obe of emene Zäutplatz campiere
Es Buech läse, relaxe und philosophiere
Plötzlech ghörsch es Grusch im Gschtrüpp
Das esch e Bär, ab is Auto zu mim Typ
Gäge Bäre söu es Glöggeli höufe
So duet se jetz der ganz Tag umeloufe
Bärenjägerin Cécile Bommersheim I

HÖCKELER-MASKENBALL

...und anschliessend...
ins Bistro Vögeli-Beck zum
Power-Frühstück ab 04:00 Uhr


Das 1x1 des Parkens
--> 1. Gang einlegen und Handbremse anziehen.

Wenn Sie diese Tipps einhalten,
müssen Sie nicht fürchten,
dass Ihr Fahrzeug wegrollt und
ein fremdes Auto touchiert,
gell Prinzessin Judith!



Im Abou vom Seniorenzentrum het's e neue Saal
Für's Pflegepersonal esch dä e Qual
Bim Plane het me drum öppis wichtigs vergässe
Obwohl jede e sim Läbe scho döt esch g'sässe
Wöu me döt im UG niene of d'Schiessi cha sitze
muess s'Pflegepersonal mit de aute Lüt es EG ufe flitze

Was au ned git im Neubou das glaubt kei Sau
der Ablauf für d'Urinfläsche und andere Scheiss fäut au
I Altbou öbere muss me d'Fläsche immer goge läre
Das duet für's Pflegepersonal doch aus erschwäre
Im Altersheim muesch doch aues möglichscht eifach gstatte
mer bouts jo ned für d'Wandergruppe sondern für die Alte



Im Timo Hermann sis Smartphone esch e Pracht
doch s'letsch mer Gem schliesse het's en toucher gmacht

S'Eidgenössische Tornfescht fendet letscht Jahr statt,
D'Organisatore si vorbereitet ond hoffe, alles louft glatt!
Doch de Storm het ehne e Strech dor d'Rächtnig gmacht
Ond wüetet a beidne Wocheändi Tag ond Nacht!
Hätt mer ächt müesse uf d'Stormwarnige lose,
wo vorgängig scho use send, met schlächter Prognose!
Jä no, s'Fescht esch ou so verbii
ond s'esch jo, Gott sei Dank, nüt schlemmers passiert derbi!

Dr Schattemacher Pastoinegg

PS: För die erschte Wintermönat hätsch gschieder
Glace kauft. I ne Tiefchühler do, wöu verosse wäre
se secher verläuft.

S'Frühligskonzert duet Musig organisiere
döt muss sech eine chli schiniere
zum spele duet ör s'Höckeler Hemd allegge
Stalder Mige
...so heist die Wegge

im Wenter hets meischtens Iis und Schnee
Denn due eg gärn Marroni zu mer neh
Das Jahr söus e schlächti Ärnti geh
Drom chouf eg lieber es betzeli meh
10 Kilo müesse's secherheitshauber si
Aber wo söu eg ächt die lagere i
Verosse set dene nüt passiere
Drom due eg se dört deponiere
Marder frässe se uf und si chogurond
Die Marroni si futsch – eg be e arme Hond

Of d'assreis döi vier au Johr starte
dass döt au trunke wird das chasch erwarde
es wird chli vöu das esch de ned erfunde
dä weiss jo nöm wo obe esch wo unde
wenn bim Schlofe das nöm duesch wösse
am Morge am Nocher d'Füess chasch kösse
Pannholzer Bierre

In Olte stoht's met de Finanze ned sehr guet
Nur wöu eine nöm vöu Stüre zahle duet
Johrelang het me sich of dä chönne verloh
Esch jetzt dä Schuld, dass öich nöm guet duet go
Oder hättet der s'Gäut ächt ned so söue verprasse
De wär höt no chli öppis i öichere Kasse

D'Sensation im Vatikan esch do
der Papscht wot sis Amt verloh
Der Rücktritt esch kommuniziert
S'letscht mou esch das im Mittelalter passiert

Wenn e met em TuS Papiersammele tue
Ben e vou konzentriert ond bruche Rueh
Stross für Stross tuen e schön dörefahre
Met mim chlini Sammligs-Chare
Die eignit Stross tuen i vergässe – was för ne Blamage
Drom verstecki aues i minere Garage
Nochem Wenner es tuet mi scho gruuse
Tuen is för de STV velecht use
Kiggu Missling

Krimi:

Jedes Mou wenns wieder ume Radwäxsu goht,
nimm eg dä Satz Pneu, wo im Chäuer stoht.
Dä lad eg i und fahre dermit id Industrie,
e goh ame bim Pneu Suter verbii.
Hür ischs ned gsi wie jedes Johr,
nei, s'isch gsi e chline Horror!
Bim Uslade vo de Pneu ischs denn passiert,
s'gheit öppis a Bode, me isch irritiert.
Plötzlich gseht me alli blöd gaffe,
s'isch nämlich e frömdi Waffe!
(Name der Redaktion bekannt)

TOZZO

Die Tozzo Gruppe ist ein
lokales, innovatives
Unternehmen.

Zufriedene Kunden sind
für unser Unternehmen
das Wichtigste.

Ihre perfekten
Ansprechpartner.


„Für den Fall, dass der Strassenbelag zwischen Hägendorf und
Rickenbach ein drittes Mal erstellt werden muss“

Mi Frou macht mänge Buck i öise glichti Chare
Das muess gflackt wärde, so du eg ned omefahre
Nach em flecke du eg rückwärts i parkiere
Und due dermet c Robidog abrasiere
Und d' Moral vo dere dumme Gschecht
Scho weder i d' Wärschtatt - ärgerlech

So ne schöni Brogg het s' Militär weder ufbout,
 wo de Lothar alles het versout!
 Doch d'Fröid öber das Bröggli het ned lang gnötzt,
 esch es doch bereits weder igstörzt!

Gut gemeint hat er es doch nu'r,
 als er seine besoffenen Gäste nach dir sagen,
 Doch das nächste mal lass dies dir sagen,
 Sollst du Benzin im Tanke haben.
 Sonst können wir dir garantieren,
 dass dich dein Koch holen muss kann wieder passieren.
 Chregu Aregetter

ES EIDGENÖSSISCHS TURNFÄSCHT ISCH E RIESE ALASS,
 D' ORGANISATION VO DE WETTKÄMPF ISCH KRASS,
 TUSIGI TEILNÄHER MÄLDE SICH A UND AB,
 DO MACHT S' SYSTEM SCHO MOL SCHLAPP,
 DER CHÄUERHAUS GIFTI HET DER GRÄT - WETTKAMPF NED UFGNOH,
 ABER AM SCHLUSS TROTZDÄM E USZEICHNIG ÜBERCHO.



D'Maria het met eme Patient us volle Lunge
 e schöne Reige gsunge
 Si seit, mer chöi doch dezue no chli schwofe
 Är ghört aber net grad zo de doofe
 und är seit zo ehre und esch ganz chaut
 los, du besch mer eifach z'aut

Fragen an die Hägageri-Gugge

Wie wird Werbung gemacht?
 Antwort: ein A3 Plakat pro Restaurant
 Antwort Komitee: falsch

Wie schreibt man 37 auf griechisch?
 Antwort: XXXVII
 Antwort Komitee: falsch


Wo ist der dritte Sternpunkt am Hilari?
 Antwort: Gäch
 Antwort Komitee: leider nein...

Wie heisst Euer Motto?
 Antwort: bes mers chöi
 Antwort Komitee: BRAVO!

E riesegrossi Neuigkeit söu das si
 D'Chöubi lüte mer scho am Fritig l
 Em Inserat stoht „reduzierts Agebot“
 Öpis z'Ässe get's nor i Schlocht - o Gott
 Näbe Chickennuggets und offene Bahne
 Get's no Bier und Wasser us em Hahne
 Liebi Kuko löit euch ned witer lo erprässe,
 döit doch der Fritig eifach weder vergässe



Letzten Sommer war eine Truppe unterwegs, die Objekte wie zum Beispiel einen Baum oder einen mit Messern bestückten Zaun mit Stoff verzierte.
 Es handelte sich dabei jedoch nicht um eine neue Form von guerilla Knitting (urban Knitting), sondern um die Aktivriete des STV, die sich im Gleitschirmfliegen versuchte.



Gosch go torne besch im Stress,
 s'wechtigste aber emmer derbi hesch,
 Nach em Sport no eis go ha,
 die Meldige ufem Handy cha er ned verstah.
 Scho chli ossergwöndlech chonnt em das vor,
 was wei die Lüt vo mer do nor?
 Merke duet ärs später scho no ou,
 es esch's Natel vo sinere Frau,
 Harcel Maas



Im Ständerot chasch ha e dummi Göue
 und be der Abstimmig darfsch au no fausch zöue



Im Färnseh chunnt nur schitt
 aber aus Bluemeständer esch är de Hit
 Wenn s'Gritli Hängel tuet Blüemli giesse
 chas ou usem Färnseh esch so im Schuss
 wü sie mängisch esch so im Schuss
 bechont ou dä e rächte Guss

S'Asti goht is Migi go poschte
 si föut de Wage ond dänkt das wird scho chli choschte

Si esch ar Kasse, leit die Sache uf s'Bändli druf
 goht ehre plötzlech es Liechtli uf
 Si merkt met schreck ojee
 usem Huus ben i ohni Portemonee

Das elei esch jo scho schitter
 jetzt gohts aber no wüiter
 Si schlicht sech stöu for Kasse fort
 ond brengt aues zrog a sin Ort

Si leitet bim STV d'Gymnastikriege,
 luegt, dass immer alles duet giige.
 Si macht mit und isch engagiert,
 s'wird flüssig uf d'Wettkämpf trainiert.
 Nume öppis louft do gar ned rund,
 ihri Ferieplanig isch der Grund,
 S'Bürki Jasi het bim Bueche ned realisiert,
 dass s'Datum mit eme Wettkampf kollidiert.

Eg due vom Tessin zrog of Hägedorf fahre
 Ha zwar e grosse aber ned auzu schnäue Chare
 Trotzdam chöme 3 Briefli zo mer hei
 Eg muss zahle 60 Franke i dr Polizei
 3-Mou hei se me of dere Strecki blitzt
 Es esch eso und leider kei Witz
 Einisch esch's gseh met grad mou 1 km/h
 Und denne sogar zwöi Mou met 2 km/h
 Die Fahrt het mer zeigt wo se fix döi blitze
 Die Blitzchäschte bringe me nöm zom Schwitze
 Patrick (Racing) Ryser

Suche ein kühles Plätzchen um durstige Kehlen nach der Papiersammlung
 zu beglücken. Hier bei Andrea Kyburz ist es mir zu warm.

Eine Flasche Bier

Das grosse Fäscht es cha gli starte,
 lang han eg druf müesse warte.
 Vom Estrich wott är sich a der Reckstange abeschwenge,
 das duet em leider ned ganz glenge.
 Es get e Chlapf ond d'Stange lot,
 am Henterchopf esch aues rot.
 Usgrächnet höt am Chopf e Wonde,
 ond das am Geburtstag emene Ronde.
 Es esch haut leider wörklech woehr,
 besch doch ou scho 50ig Johr.

Andi Hodel **Hundelatein**

Hesch e Hund de hesch au Pflichte
 wenn är muess si Sach verrichte
 im Säckli losch dä Dräck verschwinde
 de muesch en Robidog no finde
 im Oberdorf muesch lang go sueche
 mäenge Hündeler ghörsch dort flueche
 und findsch denn ändlich so nes Ding
 hets keini lääre Säckli drin
 schtinke duets de au no gruusig
 i dere Beziehig eschs z'Hägedorf luusig
 im Noehbersdorf in Rickenbach
 hei si Ornig met dere Sach



En verdächtige Maa mit Waffe, wird im Schuelhuus endeckt,
 eine wo sini Mässer öppe gar ned versteckt!
 Panik brecht us, Polizei muess äne,
 damet si ne i Handschälle legge ond feschnähme!
 D'Polizei chont ond Gfohr esch verbii,
 es esch doch nome de Schäreschlifer gsi!



Z'AMERIKA ISCH ES RÄCHT PLUMP,
 VIELES LOUFT NUME ÜBER PUMP,
 S'WÄRDE SCHULDE GMACHT OHNI MASS,
 DOCH EINISCH ÜBERLOUFT DAS FASS,
 DENN EINISCH VO GSETZES WÄGE Z'VÖU
 UND S'ÖFFENTLICHE ISCH DAS STOHT FASCH STÖU.
 FÜR TOURISTISCHE LÄBE NED FAMOS,
 ES ISCH NÄMLICH ISCH DAS LUEGE, AUS ISCH ZUE,
 CHASCH NED VÖU GO LOS, LOS, LOS,
 D'TIERLI IM PARK HEI FÜR EINISCH IHRI RUE.
 LOSED ZUE, MER WÖSSE FÜR EINISCH IHRI RUE.
 WO GENAU DENN ID USA GÖI,
 S'RYSERS VOM ERNETWÄG



Dieser Auftrag das ist wahr,
 verlief schon etwas sonderbar.
 Am Anfang stand der Auftrag da,
 weit oben man stand der Auftrag da,
 Mit der neuen ADL,
 diese Rettung ging ganz schnell.
 Doch nicht ganz alles ist so geloffen,
 Sie tat dies das tut erhoffen,
 wie man sich das tut erhoffen,
 die Katze ihren Retter in den Finger biss.
 Erst nach Tagen es ist kein Scherz,
 kam dann doch noch der grosse Schmerz.
 Im Spital musste dieser Bis behandelt werden,
 damit man konnte diese mehrere Tage,
 Nicht Ambulant, nein mehrere Tage,
 er im Krankenbett in Olten lage.
 Doch bevor er konnte noch erstaten,
 musste er sich noch die Augen reiben.
 Die Parkegebühr die er sollte noch bestatten,
 für so viele Franken kann man sich gleich bestatten,
 148.-- Franken,
 dafür kannst du deine Karre 2 mal tanken.
 Doch mit seinem guten Charme,
 ging die Gebühr auf 50 runter und er ist doch nicht ganz arm.
 Zwyygu aka Grisu

Am Open Air Kino hocke paar vom STV,
 im Garte vom Hodu ond warte uf die Kinoshow.
 Se hocke wie z`Basu im Zolli d'Affe,
 wöu si dr Film gratis chöi gaffe.
 Die ehrlech Zahlende fende das schwach,
 vo de Profiteure ennet am Bach!!

Präsi STV in Connyland

Was bruche d'Hägedörfer zom überläbe
No es paar meh vo dene Kebablade
Met drü Stöck hei mer noni gnue
Öisi Husfroue wette no zue derzue

Sebni, haubi achi oder was stoht of dr liladig droff?
E gloube am achi, velecht han i jetzt doch es Poff!
E mol ned secher si, esch scho guet,
Aber ned wenn du dä besch, wo iilade tuet
Fasnachtzigskomiteeeeeee zu Handen Präsident

Nassi Hose, e suure Stei
was esch das für ne Souerei
Louft bem Schaffe nor dor ne Garte,
weiss ned, was ehn no sött erwaarte.
Plötzlech sprötzt's us em Gebösch.
Der Düse luegt begosse us der Wösch.
Der Chätzeschreck het funktioniert
ond der Lappi esch grad dri spaziert!

Düse V.



Aus Präsident organisiert är d'GV für si Verein
das brucht haut au bem Tennisclub chli Schwein
d'Iladig schickt är pünktlich, das het är kapiert
nur het der **Andi Rogemoser** Beiz ned reserviert

Ned schön,
nur obsön.

Ned famos,
nur gschmacklos.

Im Facebook,
e schlächte Look.

4 Spinner
mit em Stinkefinger

Chelsea – Basel das wot är gseh,
für das duet är ou dä Wäg uf sich neh.
Doch am Obe vor dem Hit,
esch är leider nom ganz fit.
Drom het är d'Fuessball-Tickets deheime vergässe,
är chönnt sech gäh jez säuber uf d'Frässe.
Doch dank em Kurier si die Tickets no rächtzytig cho,
sösch müessti ärz'England vor em Stadion stoh.

Resche Pötheli

Aus Turnlehrerin esch d'**Manuela de Hit**
si hautet aui Chind ganz fit
Doch of einisch dänkt si es wird Schitter
die eget Tochter seit Frau Ritter



Lache, lache, lache,
unehelichi Chender mache
als Kabaretischt är het Klass
Emil Steinberger das esch Krass

D'Chelehr vo Hägedorf bruucht en Revision
Emmer die gliichi Zitt zeigt sie a, was für ne Illusion!
En Ewigkeit duets duure, bes das Uhrli weder got
Ond nömme nor uf zwölfi stoht!

Betty Bossi esch geschter gsi
 Met Gabi`s Bachstudio besch vorne debii
 Wotsch e feine Chueche bache
 Sötsch inetue ou aui Sache
 Ohni Bachpolver i Ofe – heschs Rezäpt gnau agluegt
 Dass dä Chueche ou schön uufgoh tuet
 Das Züüg cha mer ou nochträglich no dröberströie,
 das esch en tolle Chueche, ganz en Nöiie!
 Öb d`Familie Fröid het gha,
 nähme mer jetzt eifach emol a!



Ändlech esch jetzt öppis gange
 lang scho het me müesse plange
 fertig esch jetzt met de chrumme Sache
 wo är ou lohr het chönne mache
 jetzt säge mer ihm görn ode
 der **Berlusconi** wei mer nümme gseh
 Wenn's chaut esch bruchsch für d'Heizig Öl zum führe
 wöus der **Grepper Peter** ned bstüt müesse se haut frühe

Wie jedes Jahr stigt si i ihre Chare,
 um a der Sevi ihre Geburtstag z'fahre.
 Für uf Ännetbürge brucht si öppe e Stund,
 komisch, dass dort niemer ad Türe chunnt.
 Ganz schnäu duet si s'Handy zücke
 und im Sevi sini Nummere drücke.
 S'Gsicht wird rot und d'Ouge wärde gross,
 s'Fäscht stigt bi Sommers a der Bachstross.

Gahel Rehrig

SI SI ZÄME Z'WANGE AM GOMIMAX GSI
 UND HEI NED GANZ WENIG TRUNKE DERBI.
 NACH DER RÜCKCHER VO DÄM F...CHT,
 ESCH ME DENN NONI GRAD...CHT,
 IM EINTE ISCH HET ES GAR NÖM...GANGE,
 SI KAMERAD HET UM IHN MÜL - BANGE,
 S'ISCH ÖPPIS SCHLIMMS HET ÄR AGNOH
 UND SOFORT DER CHRANKEWAGE LO GRUND
 D'RETTER PRÜEFE WAS DER GRUND CHÖNT SI
 UND LUEGE PLÖTZLICH GANZ KOMISCH DRI.
 SI HET VOM CHÄUERHAUS RÖSCHU Verno!
 "E...UME BSOFFE, CHÖIT WIEDER GO!"

WM 2014 mer si debii
 WM 2014 esch e seili Quali gsi
 WM 2014 Samba, Rhythmus ond Riesestemmig
 WM 2014 bliibe die wenigschte gremmig
 WM 2014 Velecht hont d`Nati auses fort
 WM 2014 Mer wärde wäutmeischer a dem heisse Ort
 Schaad das dr Hetzfeld us tuet verloh
 Aber de Petkovic chönne meh Speler verstoh



Volleyball isch ihres Spiel,
 Mätsch go spiele goht si viel.
 Hüür ischs einisch rächt blöd gloffe,
 me het sich für ne Ärschkampf troff
 S'Maya Crist luegt ganz läng drii,
 si het nume ei Turnschue derbi!



Be Tornsueh bruucht's gäng der Lengg ond der Rächt,
 sösch goht das bem Seckle schlächt.
 Er loht weder mou go nöi poschte.
 Ir Haue, das esch jo allerhand,
 hett er denn zwe lenggi Schueh,
 Grad sofort duet ar, s beröie!
 Deheime legge die Rächte, gäng e aute ond e nöie!
 Heigesammter Kurme's Fredy



IM EROTIKMARKT CHA ME AU GANZ NORMALI T-SHIRT'S GO POSCHTE
 SE BSTÖUT E GSCHENKGUETSCHIN WO AU ÖPPIS DUET CHOSCHTE
 DOCH WÖU SE BEM CHAUF DIE FAUSCH ABTEILIG DUET VERWÜTSCHTE
 CHA WÄG DER BESLANOVITS MONIKA DER EMPFÄNGER DR ZIMMERSERVICE NÜTZE

Privatsphäre seit me muess me wahre
 jetzt hei mer's aber anders müesse erfahre
 nur NSA darf das zum Selbstschutz mache
 die Amerikaner si haut doch ned bache

D'FARB VO MIM GARAGETOR,
 ISCH NÖMME WIE VOREME JOHR,
 EG AUS ARCHITEKT CHUME DRUS,
 DER KONTRAST MACHTS HALT US,
 NEI, DER GRUND ISCH EHRlich GSEIT,
 DASS MER S'PARKE ISCH ABERHEIT,
 DER HÜSLIBOUER VOM CHILERAIN

A der Herbstwanderig ischs so ne Sach,
 mit de Chindsgis Oberdorf und Bach.
 D'Eltere si irritiert, chöis ned verstoh,
 wo der Bus ohni ihri Chind a duet cho.
 Dr Grund: Die beide Chindsgiklasse,
 düei uf der Heireis der Bus verpasse.



Z'Hägedorf esch es e gruus
 göi scho baud die böse Buebe i und us
 Brünig, Brienz, das chasch vergässe
 scho baud wird be eus is Sagmähl gsässe
 Be eus hets veli Schwingerfrönde
 doch fürs Kantonale Schwingfäscht
 der Miggu und der Loupi zersch en Verein müesse grönde.

Am Mittwoch noch de Prob no i Beiz go hocke,
 dass duet ou d'Manu ond d'Maria locke!
 I chome Dech cho hole, due dosse warte,
 Doch d'Manu setzt ohni Maria i de Schlocht im Garte!
 Gmüetlich trenkt sie es Käffeli ond zündet es Zigarettli a,
 do erenneret sie sech plötzlich dra:
 Ha n'ich ned öppis „Chlises“ vergässe,
 wo n'i a dä Tesch be gsässe!
 Met Schrecke stoh sie uf ond louft derfo,
 richtig, d'Maria han i gar ned metgnoh!

Nöchscht Jahr göi ar Chöubi auu bem STV go Feschli frässe
 Be dene gets drom dr Wy für paar Franke i dr 7.5 Literfläsche



Falls es irgendjemanden interessiert, warum man bei Regen, bei einem schräg aufgestellten Pool nicht an der tiefsten Stelle versuchen sollte Wasser abzulassen, fragen Sie auf keinen Fall mich.

Schlecht Wetter (Plotschnass)



Mer chöi's langsam aber secher nöne ghöre
Die andere döt sech gäge öis verschwöre
Esch es wäg der ned vorhandene EU-Metgletschaft
Oder wäge fählender Ost-Verwandschaft
Zero Points bechöme mer scho set Johre
Dr' Eurovisioncontest esch für d'Schwiz verlore

Findet der Faschnachtsumzug ohne dich statt,
warst du an der Beizenfasnacht vermutlich ziemlich platt.
Zwygg

Zwygg

Der Rötheli Beni het s'Chnöi operiert
und es paar Tag i der Klinik gastiert.
Das me aus Vereinskamerad mou verbi goht,
isch das was me unter Ehreschli ufbroche.
So hei sich es paar STV-Männer abgsproche
und sj zäme zumene müese lo säge,
Z'Oute im Spital a der Reception,
könt me mit em gfrogte Name kei Person.
Die Glön hei sich denn der Klinik gläge,
der Bäxu wär z'Rothrist i der Klinik gläge.
Padi Flury, Andi Puder, Padi Zimmerli

Schlecht Wetter (Plotschnass)

A de Singprob vo de Schlömpf gots onä heiss zue ond här,
Send ächt d'Helge hür so schwär!
Ganz gestresst ond liecht verschwetzt,
chont d'Ritter Mann i Beiz ineghetzt!
Scho vo wiitem duet sie i d'Rondi wenke
Ond seit, i glaub i due chli stenke!
Het ächt öpper vo üch es Deo do?
Uf mis han i mi höt ned chönne verlooh!

Es Fäsch e Alass ond no vöu me,
die Organisation muesch em übergeh,
Für setzig Fäu esch das der Richtig,
so Sache sie em haut schon o wechtig,
Doch ou är cha mängisch z'vöu ha i sim Chopf,
esch mängisch fäsch e arme Tropf.
So passiert bi „Schweiz bewegt“,
dört esch är „Schwiz bewegt“,
Der Mönzstock z'bstöue het är vergässe,
oni d'Hour vor BEKB wärsch gheht uf d'Frässe.
Loupi

Ar Chilbi z'Olte dreie Bahne gschwind
und no chili Alkohol, das get e sturme Grind
wöu of em Heiweg s'Dreie ned duet höre
muess sis de gli druf abe au no g'spöre
si gheit um und der Scheiche drü möu abenand
Marlies Gutzwiller das esch auerhand

**SCHNITZELBÄNKE
& GUGGENMUSIK**

För der Wirt vom Zeuss
 esch es öppis Nöis Fasnächtler die chöis
 und dankt sech die Sponte offe
 Är het die Sponte Buecher hoffe
 und tuet of veli Bsuecher immer voll gsi das Huus.
 Doch niemer chont es esch en gruus
 es esch doch fröhner immer



Nachem Turne im Thalacker stinksch nach Schweiss,
 denn wotsch go dusche, s'isch e Scheiss!
 Wenn der Körper nass wotsch bringe,
 muesch ständig im Kreis ume springe.
 Mir findes eifach zum Chotze,
 dass die Bruse vor Chauch düei strotzel!

Ar Fasnacht so wots der Bruch
 stosch i de Beiz Buch a Buch
 und gesch im Bahnhöfli wiiter feschte
 so wotsch as Clique nur s'Beschte
 Doch das, vorauem der Besch
 die wösse vom ganze Fescht
 Die händ gar net offe
 drum send mer vergäbe is Unterdorf gloffe



So nes Cabriolet z'fahre isch e cooli sach,
 per Chnopfdruck goht uf und zue das Dach.
D'Buume Steffi het eis vo der Marke Smart
 und brucht das uf ene ganz bsonderi Art.
 So het si ihre Chlapf als Swimmingpool gschmückt,
 wöu si ar Färnbedienig der fausch Chnopf het drückt!

Wenn Bäu ned flüge wie me wott
 de gots bem Golfe mängisch flott
 im Acher osse ghörsch eine flueche
 döt muess är drum si Bau go sueche
 jetzt rötscht är us und's Sprungglenk bricht
 Grossen Roger, das esch dini Gschicht

Wöu i de Sommerferie d'Turnhalle zue si,
 schiebt der STV es Sommerprogramm i.
 Einisch wott me der Balmbärg bsueche
 und duet dort obe der Seilpark bueche.
 Der Organisator het aus für e Usflug zwäg,
 die fröhliche Schar macht sich ufe Wäg.
 Die Parcours z'chlättere duet guet,
 s'brucht zwüschenie ou e chli Muet.
 Klar, dass sich do derbi ou e Hunger abahnt,
 drum het me im Anschluss es Brötle iplant.
 Wöu der **Däppen Thomi** d'Würscht het vergässe,
 het me die denn z'Hägedorf müesse go ässe!



Nach dem feiern muss man zahlen,
 diese Pflicht die tut man wahren.
 Ob Bar oder auch mit Karte ist egal,
 beides ist ja ganz legal.
 Mit der Karte hast du deine Schulden beglichen
 und das Trinkgeld auch,
 das war eine Landung auf dem Bauch.
 Das nächste mal danach solltest du streben,
 bitte beim Trinkgeld nicht den Geheimcode eingeben.
Pesche Rötheli

OPENING PARTY!

Ähne dr Dünner...?!

Freitag, 14. Juni 2013 / 18 Uhr

Bachstrasse 46 / 4616 Hägedorf

Live-Sport / Hot Drinks / Cold Beers / Great Sound

TIME OUT
SPORTSBAR

Frage an Radio Erivan:
 Dürfen Mitarbeiter und Kunden der BEKB
 die neue Raiffeisenbank-Arena ebenfalls nutzen?

Zwöi Vögeli händ emol bim Gabi ond bim Heinz Frank gläbt,
 sie dörfe omeflüüge, wo sie wänd, esch das ned nätt?
 Eis Vögeli het denne im Sommer d'Freiheit gfonde,
 das het s'Zwöite fasch ned überwonde!
 Vo denne a, flüügt das Tierli im Gabi ned schwär!
 wartet uf de Törrähme, das esch ned noch druuf obe,
 Aber im Bad wott s'Gabi ehri Rueh
 ond macht die Töre hender sech zue!
 Doch Achtong, s'Vögeli hockt doch noch druuf obe,
 scho z'spot, jetzt esch es nömm wiiter gfloge!
 Ganz kneckt het äs aber überläbt,
 Ond nor das es gseit esch, äs het nie in Läbensgfohr gschwäbt!

E Turnverein het für sini Aläis e schöni Fahne
 die bruchsch zur Wettkampfyrt das cha me ahne
 esch si mou kaputt de duesch die im Winter flicke
 der STV mach's im Sommer, die döl drum andersch ticke


Bim Lädele het si Schue entdeckt,
 wo ihres Inträsse sehr hei gweckt,
 Wildläderschue gfallt die ihre am meischte,
 si het sich dänkt, die mues i mer leischte.
 Wo si die Schue s'erscht Mou het treit,
 het ihre Jüngsch rohi Eier druf abe gheit.
 Uf Wildläder goht Ei fasch trendig uus,
 und gseht ou ned grad bestimmt,
 D'Studer Nina weis jetzt bestimmt,
 was me gäge so Fläche unternimmt.

A der Ski-WM si si heicho met nor einere Medaille i der Täsche,
 ... läck sit der Schwizer Fläsche.

Im Skilager esch mer das passiert
 e has wörklech ned kapiert
 irgend öppis esch ned wie aube
 chunnt's vo geschter, vom letschte Haube
 e has de gmerkt wös öpper seit
 das i Skischueh ha verchert agleit

**Aeh wie gut das niemand weis
 dass ich René Michel heiss**

Me hets fascht vergässe
 Lasagne tuet me mit Rindfleisch ässe
 Doch das Rind, das weiss me jetzt scho überall
 chont mängisch ou usem Rösslistall



**Wir bitten um Mitteilung an unseren
 hochwohlhällichen Zunftmeister, wenn
 www.hoeckeler-zunft.ch wieder online ist**

S'LIED VOM ROOT

Jedes Johr, esch ä andere dra
 Ond leit das rote Kostüm met der Larve a
 Ä Bäse i der Hand ond Schäue am Gwand
 Aus Root esch är bekannt im ganze Land
 Äs esch ä grossi Ehr, das weiss doch Gross ond Chli
 Ond set me aus drüü Johrzent esch er derbie
 Är esch der Oberrnarr, är esch ä Superstar
 Ond fühert öis guet dor d'Narrezyt, das esch jo klar

Ref.
 Wäge Dir, esch d'Fasnacht erst das wo si esch
 Wäge Dir, du gesch emmer dis bescht
 Wäge Dir, gomppe mer über Stock u Stei
 und nume wäge Dir, fühle mer öis dehei

Er gseht chli gförchig us, aber Angst muesch ned ha
 Doch mängmou sprengt er glich de chline chender na
 Vör die öutere Lüt, esch er ä bsondere Typ
 Wenn er z'gompe chont – met sim ganze Glüt

Er regiert i der Zit, seit was louft im Dorf
 S'get ou Lüt die fende eus – zemlech doof
 Doch mer stöl zo ehm – wo är ou häne maschiert
 Mer folge em Root was emmer ou passiert

Ref.
 Wäge Dir, get sech Gross ond Chli höt d'Hand
 Wäge Dir, feschte mer auf metenand
 Wäge Dir, lohnt sich doch erscht di ganzi Fuehr
 und nume wäge Dir, und nume wäge der,
 houe mer über d'Schnuer
 und nume wäge Dir, und nume wäge der,
 houe mer über d'Schnuer

Z'HÄGEDORF Bes mers chöi

CHESSLETE

Schmutziger Donnerstag,
27. Februar 2014

Punkt 05.00 Uhr cheslet's durchs ganze Dorf. Anschliessend Mehlsuppe in der Mehrzweckhalle Oberdorf.
Start: beim Spitzacker

ROOT-RAT
HÄGEDORF



SCHNITZELBÄNKE UND GUGGEMUSIK

Ab 20.00 Uhr in den Restaurants Schlüssel, Homberg, Schlucht, Bistro, Sportsbar und Tell
durch Root XXXVII., Höckeler-Zunft, Schlumpf-Zunft, Intermezzo, Hägageri-Gugge und Auti Seck.

ROOT-RAT
HÄGEDORF



SENIORENFASNACHT

Fasnachtsfreitag,
28. Februar 2014

MIT SPIEL, SPASS UND ATTRAKTIONEN

13.30 Uhr in der Mehrzweckhalle Oberdorf, organisiert von der Hägageri-Gugge i.A. der Einwohnergemeinde.
Mitwirkende: Root XXXVII., alle Zünfte, Klinken und die Gugge.
Siehe persönliche Einladung.



BEIZENFASNACHT MIT MASKENTREIBEN

Ab 20.00 Uhr in sämtlichen Fasnachts-Beizen von Hägendorf, alle Fasnächtler machen mit.

ROOT-RAT
HÄGEDORF



FASNACHTS-UMZUG

Fasnachtsamstag,
1. März 2014

Alt und Jung sind herzlich eingeladen.
Beginn: 14.00 Uhr Schulhausplatz Oberdorf. Im Anschluss offeriert die Gemeinde
das traditionelle Wienerli mit Brot auf dem Dorfplatz (nur für Kinder und Umzugsteilnehmer).

ROOT-RAT
HÄGEDORF



Anschliessend FASNACHTSTREIBEN AUF DEM DORFPLATZ

SCHNITZELBÄNKE UND GUGGEMUSIK

Ab 19.00 Uhr in den Restaurants Schlüssel, Schlucht und Tell
durch Root XXXVII., Höckeler-Zunft, Schlumpf-Zunft, Auti Seck und Hägageri-Gugge.

ROOT-RAT
HÄGEDORF



KINDERMASKENBALL

Fasnachtssonntag,
2. März 2014

Von 14.00 -17.00 Uhr in der Mehrzweckhalle Oberdorf.
Eintritt: Fr. 5.- inkl. Hot-Dog



KINDERSCHMINKEN UND FASNACHTSTREIBEN

Fasnachtsmontag,
3. März 2014

Rund ums Root-Huus kunterbuntes Treiben mit Root XXXVII.
Ab 14.00 Uhr Kinderschminken mit Root XXXVII., Guggen-Klänge.



HÖCKELER-MASKENBALL

Ab 20.00 Uhr in der Mehrzweckhalle Oberdorf.
Eintritt: Fr. 10.- / Vollmasken frei.



Dienstag ab 04.00 Uhr „Power-Frühstück“ im Bistro Vögeli.

KINDERDISCO AUF DEM DORFPLATZ

Fasnachtsdienstag,
4. März 2014

Von 14.00 bis 16.00 Uhr lustiges Fasnachtstreiben auf dem Dorfplatz.



HOTSCHIFÜÜR MIT ANSCHLIESSENDER USLOMPETE

Um 19.07 Uhr zündet der Root XXXVII. auf dem Dorfplatz das „Fasnachtsfüür 2014“ an.
Anschliessend Uslompete auf dem Dorfplatz und im Root-Huus.

